



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Svmma Bvllarii Earvmve Svmmorvm Pontificvm
Constitvtionvm Qvae Ad Commvnem Ecclesiae Vsvm post
volumina Iuris Canonici, vsq[ue] ad Sanctissimum D. N.
D. Pavlvn Papam V. emanarunt**

Quaranta, Stefano

Venetiis, 1619

Libri prohibiti.

urn:nbn:de:hbz:466:1-10793

LIBRI PROHIBITI.

PRÆTER Summissas sciendum est, quod extat Index Librorum prohibitorum cum regulis confectis per patres a Tridentina Synodo delectos, auctoritate Pij Quarti primum editus, postea vero a Sixto V. auctus, & nunc deum S. D. N. Clementis Papæ viij. iussu recognitus, & publicatus, instructione adiecta de exequenda prohibitionis, deque sincere emendandi, & imprimendi libros ratione.

Si quis autem aduersus eas regulas, prohibitionemque fecerit, is quidem qui hæreticorum libros, vel cuiusvis auctoris scripta propter hæresim, vel falsi dogmatis suspicionem damnata, atque prohibita legerit, habueritue, ipso iure in excommunicationis pœnam incidat, eamque ob causam in eum, tanquam de hæresi suspectum inquiri, & procedi liceat præter alias pœnas super hoc ab Apostolica sede, sacrisque Canonibus constitutas. Qui autem libros alia de causa prohibitos legerit habueritue, præter peccati mortalis reatū, episcoporum arbitrio, seuere se nonerit puniendum, ut patet ex Constitutione Pij iij. die 24. Martij. 1564. incip. Dominici, fol. 803. in Bulla, & est impressa etiam in d. Indice.

Qui hæreticorum libros hæresim continentes, vel de religione tractantes siue auctoritate Summi Pont. & Sedis Apostolicæ scienter legentes, aut retinentes imprimentes, aut quomodolibet defendentes ex quavis causa publice vel occulte quouis ingenio, vel colore, sunt etiam excommunicati in Bulla Cœnæ Domini, capite primo, & est reseruata Summo Pontifici.

Sciendum est etiam qualiter post editionem dicti indicis extat Clementis Papæ Octauj prohibitio operum Damnatæ memoriæ Caroli Molinæ cum reuocatione licentiarum illa legendi, & retinendi quibuscumque personis hætenus concessarum, & inhibitione, ne eadem licentiæ, cuiquam de cetero concedantur, publicata Romæ die 26. Augusti 1602. Incipien. Apostolicæ sedis & infra.

Motu proprio, & ex certa scientia, ac matura deliberatione nostris, hac nostra perpetuo valitura constitutione omnia, & quecumque pię hcti Caroli Molinæ Hæretici scripta opera, & commentaria, Beatorum Apostolorum Petri, & Pauli, ac nostra auctoritate de nouo perpetuo damnamus, reprobamus, interdicimus, & anathematizamus, eorumque lectionem, & retentionem vniuersis & singulis Christi fidelibus cuiuscunque status, gradus, ordinis, conditionis, dignitatis, honoris, & præminentie, licet de illis specialis, & indiuidua mentio habenda foret, existant, etiam sub excommunicationis latę sententię, alijsque censuris, & pœnis in indice librorum prohibitorum contentis, ac etiam suspicionis ipsius hæresis, quantumuis scripta, opera, & commentaria, factam quouis modo fuisse expurgata præterdant, districte perpetuo interdiciamus, & prohibemus. Et propterea omnes, & quascunque licentias quibusvis personis, tam ab ordinarijs locorum, quam etiam ab ipsis Cardinalibus, super dicto indice deputatis, ac supremis Sanctæ vniuersalis Inquisitionis contra hæreticam prauitatem inquisitoribus; ac a nobis, & Apostolica sede quomodolibet concessas legendi, & retinendi libros eiusdem Caroli Molinæ, etiam sub alio nomine inscriptos, vel expurgatos, cum non aliter quam igne expurgari possint, reuocamus, cassamus, & annullamus, inhibentes omnib. & singulis supradictis, ne de cetero huius

modi licentias cuiquam concedant, vel impartiantur. Quinimo omnem facultatem concedendi huiusmodi licentias retinendi, vel legendi opera huius impii auctoris, ex quacunque causa, & sub quouis pretexto, & colore quibuscunque personis, quavis auctoritate etiam Apostolica suffultis, & quacunque dignitate praedictis, etiam ipsismet Cardinalibus super Indice librorum prohibitorum depuratis, ac supremis inquisitoribus praedictis adimimus, eamque nobis, & successoribus nostris Romanis Pontificibus tantum reservamus. Cassantes insuper, & ex nunc irritantes quascunque licentias, etiam a nobis concessas, & a successoribus nostris Romanis Pontificibus, respectiue concedendas, quae manu nostra, aut successorum praedictorum subscriptae non fuerint. Per has tamen nostras literas non intendimus prohibere retentionem librorum iuris canonici, & aliorum Catholicorum Auctorum habentium additiones, seu apostillas, ut vocant, huius impii hominis ipsis tamen additionibus, seu Apostillis deletis, & emendatis iuxta censuram de mandato nostro nuper editam, & in Typographia Camera Apostolicae impressam Romae hoc anno MDCII. Chartis seu foliis xxiiij. distinctam, cuius initium est. Censura in omnes additiones, sed ad notaciones marginales damnatae mem. impij Caroli Molinei ad textum Iuris Canonici. Commentaria Decii in decretales, & ius civile, ad consilia Decii, & Alexandri, & ad Dynum de reg. iur. & Decium in titulum ff. de reg. iur. finis vero est, Aliqua fortasse in praemissis, & consimilibus additionibus ab oculis nostris effugerunt, notatu, & censura digna, quae diligens lector animaduertens delere profus teneatur. Postremo sub censuris, & poenis supra praedictis omnibus, & singulis Christi fidelibus per Apostolica scripta mandamus quatenus intra mensem a publicatione praesentium in locis per quae eadem ad eorum notitiam peruenire possint, facienda computandum, omnia, & singula scripta, opera, & commentaria praedicta Caroli Molinei, realiter, & cum effectu locorum ordinariis, vel inquisitoribus exhibeant, & consignent, ipsis vero locorum ordinariis vel inquisitoribus, ut illa statim nulla interposita mora, aut expectata licentia igne comburant, & comburi faciant, ut autem &c.

L I T A N I A E.

PRÆTER Summissas sciendum est, extare Decretum S. D. N. Clementis Papae viii. circa litanias obseruandum.

Quoniam multi hoc tempore priuati etiam homines pretexto aliena deuotionis, nouas quotidie Litanias euulgant, ut iam prope innumerabiles formae Litaniarum circumferantur, & in nonnullis ineptae sententiae, in aliis (quod grauius est) periculosa, & errorem sapientes inueniantur Sanctissimi Dominus Noster Clemens Papa viij. pro sollicitudine sua prouidere volens, ut animarum deuotione, Deique ac Sanctorum inuocatio, sine vllius detrimenti spiritualis periculo foueatur, praecipit, ac mandat, ut retentis antiquissimis, & communibus litiis, quae in Breviariis, Missalibus, Pontificalibus, ac Ritualibus continentur, nec non litiis de Beata Virgine, quae in Sacra Aede Lauretana decantari solent: quicumque alias litanias edere, vel iam editis, in ecclesiis, siue oratoris, siue Processionibus, uti vulerint, eas ad Congregationem Sacrorum rituum recognoscendas, & si opus fuerit corrigendas mittere teneantur, neque sine licentia praedictae Congregationis, eas in publicum edere, aut publice recitare praesumant, sub poenis (vltima peccatum)